



黃蕘圃先生手校本

顧鳳藻臨



毛詩故訓傳 第二冊

毛傳古本卷六
金壇縣王載學

齊雞鳴故訓傳第八

毛詩國風



齊國十一篇三十四章百四十三句

雞鳴三章章四句

雞鳴思賢妃也哀公荒淫怠慢故陳賢妃貞女夙夜警
戒相成之道焉

雞既鳴矣朝既盈矣匪雞則鳴蒼蠅之聲 東方明矣

朝既昌矣匪東方則明月出之光 蟲飛薨薨甘與子

同夢會且歸矣無庶予子憎

雞既鳴矣朝既盈矣雞鳴而夫人作朝盈而君作也

匪雞則鳴蒼蠅之聲蒼蠅之聲有似遠雞之鳴也東

方明矣朝既昌矣東方明則夫人纚笄而朝朝已昌
盛則君聽朝也匪東方則明月出之光見月出之光
以爲東方明也蟲飛薨薨甘與子同夢古之夫人妃
其君子亦不忘其敬會且歸矣會會於朝也卿大夫
朝會於君朝聽政夕歸治其家事無庶子子憎無見
惡於夫人

還三章章四句

還刺荒也哀公好田獵從禽獸而無厭國人化之遂成
風俗習於田獵謂之賢閑於馳逐謂之好焉
子之還兮遭我乎猗之閒兮竝驅從兩肩兮揖我謂我

儇兮 子之茂兮遭我乎猗之道兮竝驅從兩牡兮揖
我謂我好兮 子之昌兮遭我乎猗之陽兮竝驅從兩
狼兮揖我謂我臧兮

還便捷之貌

說文走部趨疾也讀若謹此詩正當作此字

猗山名從逐也

獸三歲曰肩儇利也

說文儇慧也慧利同意

茂美也昌盛也狼

獸名臧善也

著三章章三句

著刺時也時不親迎也

俟我於著乎而充耳以素乎而尚之以瓊華乎而 俟
我於庭乎而充耳以青乎而尚之以瓊瑩乎而 俟我

於堂乎而充耳以黃乎而尚之以瓊英乎而

俟待也

此謂俟即

門屏之間曰著

爾雅作宁宁者段借字

素象

瑱瓊華美石士之服也青青玉瓊瑩石似玉卿大夫之服也黃黃玉瓊英美石似玉者人君之服也

東方之日二章章五句

東方之日刺衰也君臣失道男女淫奔不能以禮化也東方之日兮彼姝者子在我室兮在我室兮履我即兮東方之月兮彼姝者子在我闥兮在我闥兮履我發

兮

東方之日興也日出東方人君明盛無不照察也姝

者初昏之貌履禮也東方之月月盛於東方君明於上若日也臣察於下若月也闥門內也發行也

東方未明三章章四句

東方未明刺無節也朝廷興居無節號令不時挈壺氏不能掌其職焉

東方未明顯倒衣裳顛之倒之自公召之 東方未晞顛倒裳衣倒之顛之自公令之 折柳樊圃狂夫瞿瞿不能辰夜不夙則莫

上曰衣下曰裳晞明之始升

說文昕旦明日將出也讀若希晞乾也傳於兼

葭湛露皆曰晞乾也此當云昕明之始升蓋因同音或改昕為晞耳 令告也折柳樊圃

桺柔脆之木樊藩也

此謂

圃菜園也折桺以為藩園

為字

無益於禁矣瞿瞿無守之貌古者有挈壺氏以

水火分日夜以告時於朝辰時夙早莫晚也

南山四章章六句

南山刺襄公也鳥獸之行淫乎其妹大夫遇是惡作詩而去之

南山崔崔雄狐綏綏魯道有蕩齊子由歸既曰歸止曷

又懷止 葛屨五兩冠綏雙止魯道有蕩齊子庸止既

曰庸止曷又從止 蓺麻如之何衡從其畝取妻如之

何必告父母既曰告止曷又鞫止 析薪如之何匪斧

江錄李鞠下同

不克取妻如之何匪媒不得既曰得止曷又極止

南山崔崔雄狐綏綏興也南山齊南山也崔崔高大

兒國君尊嚴如南山崔崔然雄狐相隨綏綏然無別

失陰陽之匹蕩平易也齊子文姜也懷思也葛屨服

之賤者冠綏服之尊者庸用也蓺樹也蓺麻如之何

衡從其畝衡獵之從獵之種之然後得麻也

賈思勰齊民要

術曰凡種麻耕不厭熟縱橫七徧以上則麻無葉也此正合毛說獵猶踐也治也衡治之縱治之乃種之然後得麻韓詩從作由由從也古隨從與從橫不必分二音韓云東西耕曰橫南北耕曰由與毛義同

告父母必告父母廟也鞫窮也克能也極至也

甫田三章章四句

若字據曰義

原貌言言若原而
亦此義往勞其心切
三年高
江錄本上卷

甫田大夫刺襄公也無禮義而求大功不修德而求諸
侯志大心勞所以求者非其道也

無田甫田維莠驕驕無思遠人勞心忉忉 無田甫田

維莠桀桀無思遠人勞心怛怛 婉兮變兮總角卅兮

未幾見兮突若弁兮

無田甫田維莠驕驕興也甫大也大田過度而無人

功終不能獲無思遠人勞心忉忉忉忉憂勞也言無

德而求諸侯徒勞其心忉忉耳桀桀猶驕驕也怛怛

猶忉忉也婉變少好貌總角聚兩髦也卅幼穉也

古文卯字出說文禮記內則以卯為鯤字此釋卅為幼穉其意同也弁冠也

卅者

盧令三章章二句

盧令刺荒也襄公好田獵畢弋而不脩民事百姓苦之
故陳古以風焉

盧令令其人美且仁 盧重環其人美且鬢 盧重鉞

其人美且偲

盧令令其人美且仁盧田犬令令纓環聲言人君能

有美德盡其仁愛百姓欣而奉之愛而樂之順時遊

田與百姓共其樂同其獲故百姓聞而說之其聲令

令然重環子母環也鬢好貌 說文曰鬢髮好兒者因其字之从髟也本是髮

好因申為鉞一環貫二也偲才也 此謂偲為才之段凡好之稱借說文云偲彊也

江錄本非
下作卯

引此詩蓋亦用毛義

敝笱三章章四句

敝笱刺文姜也齊人惡魯桓公微弱不能防閑文姜使至淫亂為二國患焉

敝笱在梁其魚魴鰈齊子歸止其從如雲 敝笱在梁其魚魴鰈齊子歸止其從如雨 敝笱在梁其魚唯唯齊子歸止其從如水

敝笱在梁其魚魴鰈與也鰈大魚說文曰鰈魚也蓋出於毛詩魴鰈皆魚名耳本無大字或加之以駁鄭如雲言盛也魴鰈大魚此當云魴魚也如雨言多也唯唯出入不制水喻眾也

載驅四章章四句

載驅齊人刺襄公也無禮義故盛其車服疾驅於通道大都與文姜淫播其惡於萬民焉

載驅薄薄簟茀朱鞞魯道有蕩齊子發夕 四驪濟濟垂轡僬僬魯道有蕩齊子豈弟 汶水湯湯行人彭彭魯道有蕩齊子翱翔 汶水滔滔行人儻儻魯道有蕩齊子遊敖

薄薄疾驅聲也簟茀朱鞞方文席也車之蔽曰茀諸侯之路車有朱革之質而羽飾發夕自夕發至旦四驪言物色盛也濟濟美貌垂轡轡之垂者爾爾眾

江錄本駟作駟

江錄本爾爾

孔氏改駟作駟

也說文爾字本義如此齊子豈弟言文姜於是樂易然湯湯大貌彭彭多貌翱翔猶彷徨也滔滔流貌儻儻眾貌

猗嗟三章章六句

猗嗟刺魯莊公也齊人傷魯莊公有威儀技藝然而不能以禮防閑其母失子之道人以為齊侯之子焉

若字據正義

猗嗟昌兮頎若長兮抑若揚兮美目揚兮巧趨踰兮射則臧兮 猗嗟名兮美目清兮儀既成兮終日射侯不出正兮展我甥兮 猗嗟變兮清揚婉兮舞則選兮射則貫兮四矢反兮以禦亂兮

猗嗟歎辭昌盛也頎長貌也抑美色揚廣揚美目揚

兮好目揚眉也踰巧趨貌目上為名目下為清二尺

江錫本也

曰正外孫曰甥此謂父之外孫為吾甥也王肅說是以上見下則云外孫曰甥以下見上

則云姊妹之夫為甥謂子之姊妹之夫為吾甥也云姑之子為甥謂子之姑之子為吾甥也舅之子為甥妻之舅弟為甥皆如是解鄭箋姊妹之子為甥語不見爾雅即爾雅之姑之子為甥與毛傳無二義也

變壯好貌婉好眉目也選齊貫中也四矢乘矢

毛詩古本卷九全增
歸玉齋學

魏葛屨故訓傳第九

毛詩國風

魏國七篇十八章百二十八句

葛屨二章一章六句一章五句

葛屨刺褊也魏地陜隘其民機巧趨利其君儉嗇褊急而無德以將之

糾糾葛屨可以履霜摻摻女手可以縫裳要之襪之好人服之 好人提提宛然左辟佩其象揅維是褊心是以爲刺

糾糾葛屨可以履霜糾糾猶繚繚也夏葛屨冬皮屨葛屨非所以履霜摻摻猶纖纖也猶繚繚也猶纖纖也皆以漢人語言

江錄存卷四

通之謂若今言某某是也此
別為一例與漂猶吹不同
 婦人三月廟見然後執
 婦功要褻也
褻當是本作要淺人加衣耳如禮記玉藻深衣等篇言衣服皆作要禮喪服注曰衣帶下者要也字不从衣傳本謂此要乃人衣帶下之要非人身要領之要古人傳注有此義例如序卦傳蒙者蒙也比者比也抑風褻領也好人女手之傳虛虛也說文已已也皆此例
 人此从正提提安諦也宛然左辟宛辟貌婦至門夫揖而入不敢當尊宛然而左辟象掃所以為飾

汾沮洳三章章六句

汾沮洳刺儉也其君子儉以能勤刺不得禮也
 彼汾沮洳言采其莫彼其之子美無度美無度殊異乎
 公路 彼汾一方言采其桑彼其之子美如英美如英

殊異乎公行 彼汾一曲言采其蕘彼其之子美如玉
 美如玉殊異乎公族

汾水也沮洳其漸洳者莫菜也路車也萬人為英公
 行從公之行也蕘水鳥也公族公屬

園有桃二章章十二句

園有桃刺時也大夫憂其君國小而迫而儉以嗇不能
 用其民而無德教日以侵削故作是詩也

園有桃其實之殺心之憂矣我歌且謠不我知者謂我
 士也驕彼人是哉子曰何其心之憂矣其誰知之其誰
 知之蓋亦勿思 園有棘其實之食心之憂矣聊以行

不我知唐石經本

國不我知者謂我士也罔極彼人是哉子曰何其心之憂矣其誰知之其誰知之蓋亦勿思

園有桃興也園有桃其實之穀國有民得其力曲合

樂曰歌徒歌曰謠彼人是哉子曰何其夫人謂我欲

何為乎棘棗也對文則棘為小棗叢生者散文則二字一也極中也

陟岵三章章六句

陟岵孝子行役思念父母也國迫而數侵削役乎大國父母兄弟離散而作是詩也

陟彼岵兮瞻望父兮父曰嗟予子句行役夙夜無已上

慎旃哉猶來無止子已止韻陟彼屺兮瞻望母兮母曰嗟

予季句行役夙夜無寐上慎旃哉猶來無棄季寐棄韻陟

彼岡兮瞻望兄兮兄曰嗟予弟句行役夙夜必偕上慎

旃哉猶來無死弟偕死韻

山無草木曰岵上慎旃哉猶來無止旃之猶可也父

尚義也山有草木曰屺岵取瓠落之意屺取黃滋之意毛公所見爾雅似勝季

少子也無寐無耆寐也猶來無棄母尚恩也偕俱也

猶來無死兄尚親也

十畝之間二章章三句

十畝之間刺時也言其國削小民無所居焉

十畝之間兮桑者閒閒兮行與子還兮十畝之外兮

桑者泄泄兮行與子逝兮

閒閒然男女無別往來之貌往來即下文行還也行與子還或

行來者或來還者泄泄多人之貌

伐檀三章章九句

伐檀刺貪也在位貪鄙無功而受祿君子不得進仕爾

坎坎伐檀兮寘之河之干兮河水清且漣漪不稼不穡

胡取禾三百塵兮不狩不獵胡瞻爾庭有縣貍兮彼君

子兮不素餐兮 坎坎伐輻兮寘之河之側兮河水清

且直猗不稼不穡胡取禾三百億兮不狩不獵胡瞻爾

庭有縣特兮彼君子兮不素食兮 坎坎伐輪兮寘之

河之漘兮河水清且淪漪不稼不穡胡取禾三百困兮

不狩不獵胡瞻爾庭有縣鶉兮彼君子兮不素飧兮

坎坎伐檀兮寘之河之干兮河水清且漣漪坎坎伐

檀聲寘置也寘者寘之譌文寘塞也从宀真聲東山

鼓反干厓也風行水成文曰漣伐檀以俟世用若俟

河水清且漣種之曰稼斂之曰穡一夫之居曰塵貍

獸名素空也輻檀輻也側猶厓也蒙上章為訓故曰猶直直波

也萬萬曰億獸三歲曰特盧召弓云齊傳曰三歲曰

此三當作四廣雅之所本也玉裁謂鄭司農注周禮

云三歲為特四歲為肩與毛互異肩豨同字如甚黜同輪檀可以為輪漘厓也淪小風水成文轉如輪也

圓者為困鶉鳥也孰食曰殮

碩鼠三章章八句

碩鼠刺重斂也國人刺其君重斂蠶食於民不脩其政
貪而畏人若大鼠也

碩鼠碩鼠無食我黍三歲貫女莫我甯顧逝將去女適
彼樂土樂土樂土爰得我所 碩鼠碩鼠無食我麥三
歲貫女莫我甯德逝將去女適彼樂國樂國樂國爰得
我直 碩鼠碩鼠無食我苗三歲貫女莫我甯勞逝將
去女適彼樂郊樂郊樂郊誰之永號

貫事也得我直得其直道苗嘉穀也

生民曰誕降嘉穀維夔維芑夔

赤苗芑白苗古者謂禾為苗故說文禾字夔芑字下皆云嘉穀也此篇一二章言黍麥三章言禾何休說春秋曰生曰苗秀曰禾玉裁謂對文則別散文則一也 號呼也

毛傳古本卷十 金壇 陸王載學

唐蟋蟀故訓傳第十

毛詩國風

唐國十二篇三十三章二百三句

蟋蟀三章章八句

蟋蟀刺晉僖公也儉不中禮故作是詩以閔之欲其及時以禮自虞樂也此晉也而謂之唐本其風俗憂深思遠儉而用禮乃有堯之遺風焉

蟋蟀在堂歲聿其莫今我不樂日月其除無已大康職思其居好樂無荒良士瞿瞿 蟋蟀在堂歲聿其逝今我不樂日月其邁無已大康職思其外好樂無荒良士蹶蹶 蟋蟀在堂役車其休今我不樂日月其慆無已

大康職思其憂好樂無荒良士休休

蟋蟀在堂蟋蟀蓋也九月在堂聿遂除去也已甚康樂職主也荒大也瞿瞿然顧禮義也邁行也外禮樂之外蹶蹶動而敏於事愾過也憂可憂也休休樂道之心

山有樞三章章八句

山有樞刺晉昭公也不能修道以正其國有財不能有用鐘鼓不能以自樂有朝廷不能洒埽政荒民散將以危亾四鄰謀取其國家而不知國人作詩以刺之也山有樞隰有榆子有衣裳弗曳弗婁子有車馬弗馳弗

穀手據曰義

驅宛其死矣他人是愉 山有栲隰有柎子有廷內弗洒弗埽子有鐘鼓弗擊弗考宛其死矣他人是保 山有漆隰有栗子有酒食何不日鼓瑟且以喜樂且以永日宛其死矣他人入室

山有樞隰有榆興也樞莖也國君有財貨而不能用作山隰不能自用其財婁亦曳也宛死貌愉樂也栲山樛柎櫜也洒灑也 此謂段借說文曰洒灑也古文以為灑埽字 考亦擊也保安也何不日鼓瑟君子無故琴瑟不離於側也

永引也

揚之水三章二章章六句一章四句

揚之水刺晉昭公也昭公分國以封沃沃盛強昭公微弱國人將叛而歸沃焉

揚之水白石鑿鑿素衣朱襮從子于沃既見君子云何不樂 揚之水白石皓皓素衣朱繡從子于鵠既見君子云何其憂 揚之水白石粼粼我聞有命不敢以告人

揚之水白石鑿鑿與也鑿鑿然鮮明貌 鑿同鑿子洛反謂鮮白如

聚米也素衣朱襮襮領也諸侯繡黼丹朱中衣沃曲沃

也皓皓絜白也繡黼也 白與黑謂之黼五采備謂之繡傳合為一者對文則二散

文則互訓也爾雅黼領謂之襮孫炎曰繡刺黼文以襮領詩上章言襮此章言繡祇是一事魯詩繡作綃

不若 毛長 鵠曲沃邑也云何其憂言無憂也粼粼清澈也 我聞有命不敢以告人聞曲沃有善政命不敢以告人

椒聊二章章六句

椒聊刺晉昭公也君子見沃之盛彊能修其政知其蕃衍盛大子孫將有晉國焉

椒聊之實蕃衍盈升彼其之子碩大無朋椒聊且遠條且 椒聊之實蕃衍盈匊彼其之子碩大且篤椒聊且

遠條且

椒聊之實蕃衍盈升興也椒聊椒也 傳不以聊為語詞椒聊疊字疊

江銘存情乃任之 各章作條惟七經多子若遠 按傳詞長則作條是 且下章遠條且之下 別為傳條兩章理同 則不分注矣

札記改脩 仍作條刪 各章云云 刻正

球

江蘇李楷有注云與釋
奔六月皆謂長同謂椒
之氣遠也

厚福無任氏云至末到
云習學作習習却君說
及上曰習之者若芳香
修也也此經遠修者
以此 江蘇李注同承
福

江蘇李注說文曰下
但云磁磁也

三言傳

卷一

三

韻單呼曰椒系呼曰椒聊阮氏元云朋比也傳讀必
箋以抹釋聊爾雅杵者聊杵即杵也屢反孫
毓是條長也兩手曰翁篤厚也椒聊且遠條且言聲
也此總釋二章也汪氏龍曰此六字當本在
之遠聞也條長也之下後人移傳入經誤析之耳此
解與體喻桓叔政教愚謂
聲當作馨芬芳條鬯之意

綢繆三章章六句

綢繆刺晉亂也國亂則昏姻不得其時焉
綢繆束薪三星在天今夕何夕見此良人子兮子兮如
此良人何 綢繆束芻三星在隅今夕何夕見此邂逅
子兮子兮如此邂逅何 綢繆束楚三星在戶今夕何
夕見此粲者子兮子兮如此粲者何

綢繆束薪興也綢繆猶纏綿也三星參也在天謂始
見東方也男女待禮而成若薪芻待人事而後束也
三星在天可以嫁取矣良人美室也子兮子兮者嗟
茲也茲當作磁說文曰嗟
磁今俗作嗟咨非也隅東南隅也邂逅解說之
貌在戶參星正月中直戶也三女為粲大夫一妻二
妾

杖杜二章章九句

杖杜刺時也君不能親其宗族骨肉離散獨居而無兄
弟將為沃所并爾
有杖之杜其葉湑湑獨行踽踽豈無他人不如我同父

毛詩傳

卷一 唐

四

嗟行之人胡不比焉人無兄弟胡不飲焉 有林之杜
其葉菁菁獨行畏畏豈無他人不如我同姓嗟行之人
胡不比焉人無兄弟胡不飲焉

有林之杜其葉涓涓興也林特兒

顏氏家訓作獨兒

杜赤棠

杜補注

也涓涓枝葉不相比也踽踽無所親也飲助也菁菁
葉盛也畏畏無所依也同姓同祖也

羔裘二章章四句

羔裘刺時也晉人刺其在位不恤其民也

羔裘豹祛自我人居居豈無他人維子之故 羔裘豹

裘自我人究究豈無他人維子之好

羔裘豹祛祛袂末也

从定本有末字玉藻說袂二尺二寸祛尺二寸本末不

同本謂

在位與民異心自用也居居懷惡不相親比

之兒裘猶祛也

袖祛本義不同故云猶

究究猶居居也

鵠羽三章章七句

鵠羽刺時也昭公之後大亂五世君子下從征役不得
養其父母而作是詩也

肅肅鵠羽集于苞栩王事靡盬不能蓺稷黍父母何怙

悠悠蒼天曷其有所 肅肅鵠翼集于苞棘王事靡盬

不能蓺黍稷父母何食悠悠蒼天曷其有極 肅肅鵠

行集于苞桑王事靡盬不能蓺稻粱父母何嘗悠悠蒼

天曷其有常

肅肅鵠羽集于苞栩興也肅肅羽聲也集止苞稹栩

柔也鵠之性不樹止監不攻致也怙恃也行翮也行翮

求諸雙聲合韻詁訓之法如此羽翼翮以類相從不釋為行列也

無衣二章章三句

無衣美晉武公也

美或作刺誤

武公始并晉國其大夫為之

請命乎天子之使而作是詩也

豈曰無衣七兮不如子之衣安且吉兮

豈曰無衣六

兮不如子之衣安且奧兮

七侯伯之禮七命冕服七章也不如子之衣安且吉

江錄本功

江錄本功

江錄本功

兮諸侯不命於天子則不成為君六天子之卿六命車旗衣服以六為節也奧煖也

有杕之杜二章章六句

有杕之杜刺晉武公也武公寡特兼其宗族而不求賢

以自輔焉

杕杜傳云杕特貌武公寡特故以有杕起興

有杕之杜生於道左彼君子兮噬芻適我中心好之曷

飲食之 有杕之杜生於道周彼君子兮噬芻來游中

心好之曷飲食之

有杕之杜生於道左興也道左之陽人所宜休息也

噬逮也此謂周曲也遊觀也

孔記補已列入

孔記補已列入

葛生五章章四句

葛生刺晉獻公也好攻戰則國人多喪矣

葛生蒙楚薺蔓于野予美亾此誰與獨處 葛生蒙棘

薺蔓于域予美亾此誰與獨息 角枕粲兮錦衾爛兮

予美亾此誰與獨旦 夏之日冬之夜百歲之後歸于

其居 冬之夜夏之日百歲之後歸于其室

葛生蒙楚薺蔓于野興也葛生延而蒙楚薺生蔓於

野喻婦人外成於他家域營域也營岳本作塋息止也角

枕粲兮錦衾爛兮齋則角枕錦衾禮夫不在斂枕篋

衾席鞫而藏之夏之日冬之夜言長也室猶居也

采芩三章章八句

采芩刺晉獻公也獻公好聽讒焉

采芩采芩首陽之顛人之爲言定本作偽言古爲偽通也苟亦無信

舍旃舍旃苟亦無然人之爲言胡得焉 采苦采苦首

陽之下人之爲言苟亦無與舍旃舍旃苟亦無然人之

爲言胡得焉 采葑采葑首陽之東人之爲言苟亦無

從舍旃舍旃苟亦無然人之爲言胡得焉

采芩采芩首陽之顛興也芩大苦也首陽山名也采

芩細事也首陽幽僻也細事喻小行也幽僻喻無徵

也苟誠也此謂苟即果之段借雙聲段借也苦苦菜也無與勿用也

葑菜名也

毛傳古本卷十一
全增段玉裁學

秦車鄰故訓傳第十一

毛詩國風

秦國十篇二十七章百八十一句

車鄰三章一章四句二章章六句

車鄰美秦仲也秦仲始大有車馬禮樂侍御之好焉

有車鄰鄰有馬白顛未見君子寺人之令 阪有漆隰

有栗既見君子竝坐鼓瑟今者不樂逝者其耆 阪有

桑隰有楊既見君子竝坐鼓簧今者不樂逝者其亾

鄰鄰眾車聲也白顛昫顛也寺人內小臣也阪有漆

隰有栗與也阪者曰阪下溼曰隰既見君子竝坐鼓

瑟又見其禮樂焉耆老也八十曰耆簧笙也亾喪棄

也

駟鐵三章章四句

駟鐵美襄公也始命有田狩之事園囿之樂焉

駟鐵孔阜六轡在手公之媚子從公于狩 奉時辰牡

辰牡孔碩公曰左之舍拔則獲 游于北園四馬既閑

輶車鸞鑣載獫歇驕

鐵驪阜大也媚子能以道媚於上下者冬獵曰狩時

是辰時也冬獻狼夏獻麋春秋獻鹿豕羣獸拔矢末

也謂矢枯閑習也輶輕也獫歇驕田犬也長喙曰獫短

喙曰歇驕即獨獠之良借

存稿
江蘇本六

小戎三章章十句

小戎美襄公也備其兵甲以討西戎西戎方疆而征伐

不休國人則矜其車甲婦人能閑其君子焉

小戎伐收五檠梁輶游環脅驅陰鞞塗續文茵暢轂駕

我騏驎言念君子溫其如玉在其板屋亂我心曲 四

牡孔阜六轡在手騏驎是中駟驪是驂龍盾之合蓋以

輶輶言念君子溫其在邑方何為期胡然我念之 伐

駟孔羣公矛蓋罇蒙伐有苑虎韞鏤膺交鞞二弓竹閉

緄滕言念君子載寢載興厭厭良人秩秩德音

小戎兵車也伐淺收軫也五五束也檠歷錄也梁輶

江錦本毛詩

輶上句衡也一輶五束束有歷錄游環斬環也游在背上所以禦出也脅驅慎駕具所以止入也陰揜軌

也單呼軌索也呼揜軌也毛公蓋白金者蓋即錄之異文說文引沃以釐軌也

入說文耳沃聲寮聲續續也文茵文今脫虎皮也

爾雅斥山文皮謂虎豹之皮說文彪虎文彪也彪虎

文也漢書楚人謂虎於擇謂虎文班上林賦被班衣

輿服志虎賁騎鵠冠虎文單衣此皆虎皮為文之證

傳不釋茵者以人所易知也許慎則云茵車中重席

暢轂長轂也廣雅曰暢長騏綦文也此依正義及李善赭白馬賦注

說文綦左足白曰鼻板屋西戎板屋也黃馬黑喙曰

駟龍盾畫龍其盾也合合而載之輶驂內轡也在邑

在敵邑也伐駟四介馬也孔甚也去矛三隅矛也鐔

鐔也蒙討羽也說文討訓治也猶亂訓治也取其紛亂而理之曰討討羽猶言亂羽此鄭

以龍釋蒙以伐中干也伐或作厥厥是本苑文貌虎

虎皮也韞弓室也膺馬帶也交韞交二弓於韞中也

閉繼緹繩滕約也厭厭安靜也秩秩有知也

蒹葭三章章八句

蒹葭刺襄公也未能用周禮將無以固其國焉

蒹葭蒼蒼白露為霜所謂伊人在水一方遡洄從之道

阻且長遡游從之宛在水中央 蒹葭萋萋白露未晞

所謂伊人在水之涘遡洄從之道阻且躋遡游從之宛

在水中坻 蒹葭采采白露未已所謂伊人在水之涘
遡洄從之道阻且右遡游從之宛在水中沚

蒹葭蒼蒼白露為霜興也蒹蒹葭蘆也蒼蒼盛也白
露凝戾為霜然後歲事成國家待禮然後興伊維也

一方難至矣遡洄從之道阻且長遡游從之宛在水
中央逆流而上曰遡洄逆禮則莫能以至也順流而

涉曰遡游順禮未濟道來迎之萋萋猶蒼蒼也晞乾
也澗水隙也躋升也坻小渚也

小渚當作小沚乃合
爾雅坻沚同訓不可
通聲之采采猶萋萋也未已猶未止也涘厓也右出
其右也小渚曰沚

終南二章章六句

終南戒襄公也能取周地始為諸侯受顯服大夫美之
故作是詩以戒勸之

終南何有有條有梅君子至止錦衣狐裘顏如渥丹其
君也哉 終南何有有紀有堂君子至止黻衣繡裳佩

玉將將壽考不忘

終南何有有條有梅興也終南周之名山中南也條

栢梅栢也宜 謂言山
所宜以戒不宐也 此說起興
戒勸之意錦衣采

衣也 正義作采衣
各本作采色狐裘朝廷之服紀基也 此謂
段借堂畢

道如堂也 定本作平如堂非也此自兩崖壁立言之
故釋丘云畢堂牆若云平如堂則自道言之

之黑與青謂之黻五色備謂之繡

黃鳥三章章十二句

黃鳥哀三良也國人刺穆公以人從死而作是詩也
 交交黃鳥止于棘誰從穆公子車奄息維此奄息百夫
 之特臨其穴惴惴其慄彼蒼者天殲我良人如可贖兮
 人百其身 交交黃鳥止于桑誰從穆公子車仲行維
 此仲行百夫之防臨其穴惴惴其慄彼蒼者天殲我良
 人如可贖兮人百其身 交交黃鳥止于楚誰從穆公
 子車鍼虎維此鍼虎百夫之禦臨其穴惴惴其慄彼蒼
 者天殲我良人如可贖兮人百其身

江銘亦多其字

交交黃鳥止于棘興也交交小貌黃鳥以時往來得
 其所人以壽命終亦得其所子車氏奄息名百夫之
 特乃特百夫之德惴惴懼也殲盡良善也防比也

此謂

防即比方字徐
 邈云毛音方 禦當也

晨風三章章六句

晨風刺康公也忘穆公之業始棄其賢臣焉
 歎彼晨風鬱彼北林未見君子憂心欽欽如何如何忘
 我實多 山有苞櫟隰有六駮未見君子憂心靡樂如
 何如何忘我實多 山有苞棣隰有樹檉未見君子憂
 心如醉如何如何忘我實多

北記補已
刻八

手言傳 卷十一 五
歎彼晨風鬱彼北林興也歎疾飛貌晨風鷓也鬱積也北林林名也先君招賢人賢人往之駛疾如晨風之飛入北林憂心欽欽思望之心中欽欽然忘我實多今則忘之矣櫟木也駁如馬倨牙食虎豹棣唐棣也棣赤羅也

無衣三章章五句

無衣刺用兵也秦人刺其君好攻戰亟用兵而不與民同欲焉

豈曰無衣與子同袍王于興師修我戈矛與子同仇
豈曰無衣與子同澤王于興師修我矛戟與子偕作

豈曰無衣與子同裳王于興師修我甲兵與子偕行

豈曰無衣與子同袍興也袍襦也上與百姓同欲則百姓樂致其死王于興師修我戈矛與子同仇戈長六尺六寸矛長二丈天下有道則禮樂征伐自天子出仇匹也澤潤澤也潤澤毛時古語故作起也行往也

渭陽二章章四句

渭陽康公念母也康公之母晉獻公之女文公遭麗姬之難未反而秦姬卒穆公納文公康公時爲大子贈送文公于渭之陽念母之不見也我見舅氏如母存焉及

其卽位思而作是詩也

我送舅氏曰至渭陽何以贈之路車乘黃 我送舅氏

悠悠我思何以贈之瓊瑰玉佩

母之昆弟曰舅贈送也乘黃四馬也瓊瑰石而次玉

權輿二章章五句

權輿刺康公也忘先君之舊臣與賢者有始而無終也

於我乎夏屋渠渠今也每食無餘于嗟乎不承權輿

於我乎每食四簋今也每食不飽于嗟乎不承權輿

夏大也承繼也權輿始也四簋黍稷稻粱

毛傳古本卷十二
全增按玉報字

陳宛丘故訓傳第十二

毛詩國風

陳國十篇二十六章百二十四句

宛丘三章章四句

宛丘刺幽公也淫荒昏亂游蕩無度焉

子之湯兮宛丘之上兮洵有情兮而無望兮 坎其擊

鼓宛丘之下無冬無夏值其鷺羽 坎其擊缶宛丘之

道無冬無夏值其鷺翮

子大夫也湯蕩也

此謂
段借

四方高中央下曰宛丘洵信

也坎坎擊鼓聲值持也鷺羽鷺鳥之羽可以爲翳盜

謂之缶翮翳也

東門之枌三章章四句

東門之枌疾亂也幽公淫荒風化之所行男女棄其舊業亟會於道路歌舞於市井爾

東門之枌宛丘之栩子仲之子婆娑其下 穀旦于差

南方之原不績其麻市也婆娑 穀旦于逝越以駸邁

視爾如蒞貽我握椒

東門之枌宛丘之栩枌白榆也栩柔也國之交會男

女之所聚子仲陳大夫氏婆娑舞也穀善也原大夫

氏逝往駸數邁行也蒞芘芘也椒芳物 依定本

衡門三章章四句

衡門誘僖公也愿而無立志故作是詩以誘掖其君也

衡門之下可以棲遲泌之洋洋可以樂飢 豈其食魚

必河之魴豈其取妻必齊之姜 豈其食魚必河之鯉

豈其取妻必宋之子

衡門衡木為門言淺陋也棲遲遊息也泌泉水也洋

洋廣大也樂飢可以樂道忘飢 沈重云舊皆作樂字晚詩本有作广下樂

陸德明云毛本止作樂鄭本作樂顏師古定本亦作樂飢正義本經文作樂飢此正沈所謂晚本援鄭以

改毛者也或云樂道忘飢乃王肅語屨入毛傳殊為無事自擾

東門之池三章章四句

東門之池刺時也疾其君之淫昏而思賢女以配君子

也

東門之池可以漚麻彼美叔姬可與晤歌 東門之池

可以漚紵彼美叔姬可與晤語 東門之池可以漚菅

彼美叔姬可與晤言 釋文叔音叔按音叔猶如字也以別於作且七也反正同正義

以別於作且七也反正同正義 作淑姬即釋文之亦作本也

東門之池可以漚麻興也池城池也漚柔也晤遇也

此謂晤為 選之段借 言道也

東門之楊二章章四句

東門之楊刺時也昏姻失時男女多違親迎女猶有不
至者也

東門之楊其葉牂牂昏以為期明星煌煌 東門之楊

其葉肺肺昏以為期明星晢晢

東門之楊其葉牂牂興也牂牂然盛貌言男女失時

不逮秋冬昏以為期明星煌煌期而不至也肺肺猶

牂牂也晢晢猶煌煌也

墓門二章章六句

墓門刺陳佗也陳佗無良師傅以至於不義惡加於萬
民焉

墓門有棘斧以斯之夫也不良國人知之知而不已誰

昔然矣 墓門有梅有鴉萃止夫也不良歌以諱止 依釋

文廣 諱予不顧 依王逸 離騷注 顛倒思予

墓門有棘斧以斯之興也墓門墓道之門斯析也幽
閒希行用生此棘薪維斧可以開析之夫傅相也昔
夕也 夕各本多誤作久誰夕猶今人云不記 梅栴也
是鵙惡聲之鳥也萃集也諱告也

防有鶴巢二章章四句

防有鶴巢憂讒賊也宣公多信讒君子憂懼焉

防有鶴巢邛有旨苕誰俯予美心焉怵怵 中唐有璧

邛有旨鷓誰俯予美心焉惕惕

防有鶴巢邛有旨苕興也防邑也邛丘也苕草也俯

俯張誑也中中庭也唐堂塗也璧令適也鷓綬草也
惕惕猶怵怵也

月出三章章四句

月出刺好色也在位不好德而說美色焉

月出皎兮佼人僚兮舒窈糾兮勞心悄兮 月出皓兮

佼人劉兮舒憂受兮勞心慍兮 月出照兮佼人燎兮

舒夭紹兮勞心懞兮 懞各本作 慘疑誤

月出皎兮興也皎月光也僚好兒舒遲也窈糾舒之
姿也悄憂也

株林二章章四句

株林刺靈公也淫乎夏姬驅馳而往朝夕不休息焉

胡為乎株林從夏南兮匪適株林從夏南兮正義本有二兮

駕我乘馬說于株野乘我乘驕驕株合韻也鄭云馬六尺以下曰驕即南有喬

木之五尺以上曰駒也然則喬木亦當作驕矣皇皇者華我馬維驕見說文朝食于株

株林夏氏邑也夏南夏徵舒也大夫乘驕

澤陂三章章六句

澤陂刺時也言靈公君臣淫於其國男女相說憂思感

傷焉

彼澤之陂有蒲與荷有美一人傷如之何寤寐無為涕

泗滂沱 彼澤之陂有蒲與蘭有美一人碩大且卷寤

寐無為中心悁悁 彼澤之陂有蒲菡萏有美一人碩

大且儼寤寐無為展轉伏枕

彼澤之陂有蒲與荷興也陂澤障也荷夫渠也傷如

之何傷無禮也自目曰涕自鼻曰泗蘭蘭也鄭云蘭當作蓮

易傳也釋文正義皆不誤今本改蘭作菡非是鄭知蘭必當作蓮者鄭風蘭傳已云蘭也則例此可不傳

故知蘭必蓮誤同卷好兒悁悁猶悒悒也悒古祗菡萏

一菡而實異也 菡荷華也儼矜莊兒

毛傳古本卷十三
五壇段玉裁學

檜羔裘故訓傳第十三

毛詩國風

檜國四篇十二章四十五句

羔裘三章章四句

羔裘大夫以道去其君也國小而迫君不用道好絜其衣服消搖遊燕而不能自強於政治故作是詩也

羔裘消搖狐裘以朝豈不爾思勞心忉忉 羔裘翱翔

狐裘在堂豈不爾思我心憂傷 羔裘如膏日出有曜

豈不爾思中心是悼

羔裘消搖狐裘以朝羔裘以遊燕狐裘以適朝勞心

忉忉國無政令使我心勞堂公堂也羔裘如膏日出

有曜日出照曜然後見其如膏悼動也

素冠三章章三句

素冠刺不能三年也

庶見素冠兮棘人欒欒兮勞心博博兮 庶見素衣兮

我心傷悲兮聊與子同歸兮 庶見素韉兮我心蘊結

兮聊與子如一兮

庶幸也素冠練冠也棘急也欒欒瘠貌

此謂段欒為
欒也欒臞也

博博憂勞也庶見素衣兮素冠故素衣也聊與子同

歸願見有禮之人與之同歸子夏三年之喪畢見於

夫子援琴而弦衍衍而樂作而曰先王制禮不敢不

原稿無江江錄本有

及

謂不立
遠樂也

夫子曰君子也閔子騫三年之喪畢見於

夫子援琴而弦切切而哀作而曰先王制禮不敢過

也

謂不立
猶哀也

夫子曰君子也子路曰敢問何謂也夫子

曰子夏哀已盡能引而致之於禮故曰君子也閔子

騫哀未盡能自割以禮故曰君子也夫三年之喪賢

者之所輕

猶易也

不肖者之所勉

閔可以規賢者卜
可以規不肖者

隰有萋楚三章章四句

隰有萋楚疾恣也國人疾其君之淫恣而思無情慾者
也

隰有萋楚猗儺其枝天之沃沃樂子之無知 隰有萋

楚猗儺其華夭之沃沃樂子之無家 隰有萋楚倚儺
其實天之沃沃樂子之無室

隰有萋楚猗儺其枝興也萋楚鉞弋也猗儺柔順也
天少也沃沃壯佼也

匪風三章章四句

匪風思周道也國小政亂憂及禍難而思周道焉

匪風發兮匪車偈兮顧瞻周道中心怛兮 匪風飄兮

匪車票兮顧瞻周道中心弔兮 誰能亨魚概之釜鬻

釋文誰將西歸懷之好音

匪風發兮發發飄風非有道之風匪車偈兮偈偈疾

驅非有道之車顧瞻周道中心怛兮怛傷也下國之
亂周道滅也迴風爲飄票票無節度也弔傷也誰能
亨魚概之釜鬻概滌也鬻釜屬亨魚煩則碎治民煩
則散知亨魚則知治民矣誰將西歸懷之好音周道
在乎西懷歸也

毛傳古本卷十四
曹蜉蝣玉裁傳

曹蜉蝣故訓傳第十四

毛詩國風

曹國四篇十五章六十八句

蜉蝣三章章四句

蜉蝣刺奢也國小而迫無法以自守好奢而任小人將無所依焉

蜉蝣之羽衣裳楚楚心之憂矣於我歸處 蜉蝣之翼

采采衣服心之憂矣於我歸息 蜉蝣掘閱 依說文作堀各本作

掘麻衣如雪心之憂矣於我歸說

蜉蝣之羽興也蜉蝣渠略也朝生夕死猶有羽翼以

自脩飾 猶疑當作獨 楚楚鮮明貌采采眾多也息止也堀

閱容閱也 堀閱雙字猶風賦之空穴來風李善注引莊子作空閱來風空孔一也閱穴一也傳云容閱亦是雙聲疊韻字容閱卽史所謂容頭過身謂浮游自孔穴而出羽必新也 如雪言鮮絜

候人四章章四句

候人刺近小人也其公遠君子而好近小人焉

彼候人兮何戈與祋彼其之子三百赤芾 維鷓在梁

不濡其翼彼其之子不稱其服 維鷓在梁不濡其味

彼其之子不遂其媾 蒼兮蔚兮南山朝濟婉兮變兮

季女斯飢

彼候人兮何戈與祋候人道路送迎賓客者何揭祋

爰也言賢者之官不過候人彼彼曹朝也芾韠也一

命緼芾黝珩再命赤芾黝珩三命赤芾葱珩大夫以

上赤芾乘軒維鷓在梁不濡其翼鷓洿澤鳥也梁水

中之梁鷓在梁可謂不濡其翼乎味喙也媾厚也蒼

蔚雲興貌南山曹南山也濟升雲也婉少貌變好貌

季人之少子也女民之弱者

鳴鳩四章章六句

鳴鳩刺不壹也在位無君子用心之不壹也

鳴鳩在桑其子七兮淑人君子其儀一兮其儀一兮 經傳

一字疏內皆 心如結兮 鳴鳩在桑其子在梅淑人君 傳

子其帶伊絲其帶伊絲其弁伊騏 鳴鳩在桑其子在
 棘淑人君子其儀不忒其儀不忒正是四國 鳴鳩在
 桑其子在榛淑人君子正是國人正是國人胡不萬年
 鳴鳩在桑其子七兮興也鳴鳩稊鞠也鳴鳩之養其
 子朝從上下莫從下上平均如一其儀一兮心如結
 兮言執義一則用心固 上文箋云淑善儀義也善人君子其執義當如一也此傳云言執義一則用心固文句相承分屬箋傳必有一誤 其子在梅飛在梅也騏
 綦文也 從釋文 弁皮弁也忒疑也正是也 正是也不誤鄭乃易為正
 長也下章箋正長也三字蓋本在執義不疑上

下泉四章章四句

下泉思治也曹人疾共公侵刻下民不得其所憂而思
 明王賢伯也

冽彼下泉浸彼苞稂
 愾我寤歎念彼京師
 芃芃黍苗陰雨膏之
 四國有王
 郇伯勞之

冽彼下泉浸彼苞稂興也冽寒也下泉泉下流也苞
 本也稂童梁非漑草得水而病也蕭蒿也蒼草也芃
 芃美貌四國有王郇伯勞之郇伯郇侯也諸侯有事
 二伯述職

毛傳左本卷十五
上句歸五類以

豳七月故訓傳第十五

毛詩國風

豳國七篇二十七章二百三句

七月八章章十一句

七月陳王業也周公遭變故陳后稷先公風化之所由
致王業之艱難也

七月流火九月授衣一之日鷺發二之日栗列

下泉正義引二之日栗列與玉篇廣韻文選注皆合說文本有栗列無二字今本列譌為賴而大東疏引說文列寒兒可證

衣無褐何以卒歲三之日于耜四之日舉趾同我婦子

盥彼南畝田峻至喜 七月流火九月授衣春日載陽

有鳴倉庚女執懿筐遵彼微行爰求柔桑春日遲遲采

蔡邴邴女心傷悲殆及公子同歸 七月流火八月崔

葦崔依字當艸下崔作崔近古但段崔崔字非從艸也蠶月條桑取彼斧斨以伐

遠揚猗彼女桑七月鳴鵙八月載績載玄載黃我朱孔

陽為公子裳 四月秀葍五月鳴蜩八月其穫十月隕

蕓一之日于貉古作獬舟聲與狸裘合韻取彼狐狸為公子裘二之

日其同載纘武公言私其縱獻豸于公 五月斯螽動

股六月莎雞振羽七月在野八月在宇九月在戶十月

蟋蟀入我牀下穹窒熏鼠塞向墜戶嗟我婦子曰為改

歲入此室處 六月食鬱及薹七月亨葵及菽八月剝

棗十月穫稻為此春酒以介眉壽七月食瓜八月斷壺

江錦存功

九月叔苴采荼薪樗食我農夫 九月築場圃十月納

禾稼黍稷重穆禾麻菽麥嗟我農夫我稼既同上入執

宮公依正義公事也晝爾于茅宵爾索綯亟其乘屋其始播百

穀 二之日鑿冰沖沖三之日納于凌陰四之日其蚤

獻羔祭韭九月肅霜十月滌場朋酒斯饗日殺羔羊躋

彼公堂稱彼兕觥萬壽無疆

火大火流下也九月授衣九月霜始降婦功成可以

授冬衣矣一之日此字今補十之餘也一之日周正月

也鬻發風寒也二之日殷正月也栗冽寒氣也三之

日夏正月也幽土晚寒于耜始脩耒耜也四之日周

四月也舉趾民無不舉足而耕矣飴饋也田峻田大
夫也倉庚離黃也懿筐深筐也遵彼微行爰求柔桑
微行牆下徑也五畝之宅樹之以桑遲遲舒緩也繁
白蒿也所以生蠶祁祁眾多也傷悲感事苦也春女
悲秋士悲感其物化也殆及公子同歸殆始及與也
幽公子躬率其民同時出同時歸也八月萑葦亂為
萑葦為葦豫畜萑葦可以為曲也斨方釜斧也斧字
依說
文遠枝遠也揚條揚也角而束之曰猗女桑黃桑也
鶉伯勞也載績絲事畢而麻事起矣玄黑而有赤也
朱深纁也陽明也祭服玄衣纁裳不榮而實曰秀萸

歸江錄孝片

萸草也蝟蟥也其穫禾可穫也隕墜薜落也于貉謂
取貉貉皮狐狸狐狸皮也小戎傳虎虎皮也
今依以補六字 狐貉
之厚以居孟冬天子始裘纘繼功事也經傳功字疑
公之誤故下
文官公
不再釋言私其縱獻豨于公豕一歲曰縱三歲曰豨
大獸公之小獸私之斯螽蚣蝻也莎雞振羽羽成而
振訊之也穹窮室塞也向北出牖也瑾塗也庶人篳
戶鬱棗屬萸萸也剝擊也此謂剝即支之段借也
故普木切支今字作扑
春酒凍醪也眉壽豪眉也壺瓠也此謂
段借叔拾也苴麻
子也樗惡木也春夏為圃秋冬為場後孰曰重先孰
曰穆入為上出為下宵夜綯絞也乘升也二之日鑿

冰沖沖冰盛水複

宋本釋文毛詩皆作複

則命取冰於山林沖

沖鑿冰之意凌陰冰室也九月肅霜肅縮也霜降而

收縮萬物滌場滌埽也

正義岳本

場功畢入也朋酒斯饗

曰殺羔羊兩樽曰朋饗者鄉人飲酒也

據正義補與說文正合此

因兩鄉人複而脫也

其牲

此二字今補

鄉人以狗大夫加以羔羊公

堂學校也觥所以誓眾也疆竟也

鴟鴞四章章五句

鴟鴞周公救亂也成王未知周公之志公乃為詩以遺

王名之曰鴟鴞焉

鴟鴞鴟鴞既取我子無毀我室恩斯勤斯鬻子之閔斯

迨天之未陰雨徹彼桑土綢繆牖戶今女下民或敢

侮予予手指拮据予所捋荼予所蓄祖予口卒瘁曰予

未有室家

予羽譙譙予尾修修

唐定本宋監本越本蜀本皆作修修唐石

原稿修修江鈔本備備

經宋集韻光堯石經皆作脩脩蓋毛詩本用合韻淺人改為消又或改為脩今本釋文亦是淺人所改集韻所據釋文予室翹翹風雨所漂搖予維音之嘒嘒

補韻未誤

鴟鴞鴟鴞既取我子無毀我室與也鴟鴞鸛鳩也無

能毀我室者攻堅之故也寧亾二子不可以毀我周

室恩愛鬻稚閔病也稚子成王也迨及徹剝也桑土

桑根也拮据戟搨也荼萑菝也祖為

正義曰祖訓始也物之初始必

江銘中今俗云云作也
其詞不同又作本也

有為之故毛傳云祖為也釋文曰祖又作祖
如字今俗本作又作祖見宋本有不誤者
瘠病也
手病口病故能免乎大鳥之難曰予未有室家謂我
未有室家也譙譙殺也修修敝也翹翹危也哓哓懼
也

東山四章章十二句

東山周公東征也周公東征三年而歸勞歸士大夫美
之故作是詩也一章言其完也二章言其思也三章言
其室家之望女也四章樂男女之得及時也君子之於
人序其情而閔其勞所以說也說以使民民忘其死其
唯東山乎

我徂東山惛惛不歸我來自東零雨其濛我東曰歸我
心西悲制彼裳衣勿士行枚蝟蝟者蜀烝在桑野敦彼
獨宿亦在車下 我徂東山惛惛不歸我來自東零雨
其濛果臝之實亦施于宇伊威在室蠪蛸在戶叮嚀鹿
場熠燿宵行不可畏也伊可懷也 我徂東山惛惛不
歸我來自東零雨其濛鸛鳴于垤婦歎于室洒埽穹窒
我征聿至有敦瓜苦烝在栗薪自我不見于今三年
我徂東山惛惛不歸我來自東零雨其濛倉庚于飛熠
燿其羽之子于歸皇駁其馬親結其縈九十其儀其新
孔嘉其舊如之何

孔詒補改

惛惛言久也濛雨貌我心西悲公族有辟公親素服
不舉樂為之變如其倫之喪士事枚微也

周南傳枝曰條餘曰

枚是本義此枚微也與魯頌枚枚藟密也皆是段借謂枚為微之段借也謂之微者兵事神密也一章言其完故云勿事行微詳釋文鄭乃云行陳銜枚非毛意

蝟蝟蜀貌蜀桑蟲也烝

寘也果羸枯樓也伊威委黍也蠪蛸長跖也叮嚀鹿

迹也熠燿燐也燐熒火也

熒火與列子天瑞淮南汜論說林二訓說文博物志

所說皆合謂鬼火熒熒然者也淺人誤以釋蟲之熒火即炤當之又改其字从虫其誤蓋始於陳思王也思王引韓詩章句鬼火或謂之燐然則毛韓無異又毛多云行道也宵行正謂夜閒之道由室戶而場而行由近及遠也 鸛鳴于垤垤螿冢也將陰雨則穴處先知之矣鸛好水長鳴而喜也敦猶專專也烝眾也有敦瓜

苦烝在粟薪言我心苦事又苦也

毛意取義於興鄭箋非毛意也黃

白曰皇駟白曰駮縞婦人之禕也母戒女施紛結帨

九十其儀言多儀也其舊如之何言久長之道也

破斧三章章六句

破斧美周公也周大夫以惡四國焉

既破我斧又缺我斨周公東征四國是皇哀我人斯亦

孔之將 既破我斧又缺我錡周公東征四國是吡哀

我人斯亦孔之嘉 既破我斧又缺我鉞周公東征四

國是道哀我人斯亦孔之休

隋盞曰斧

七月正義引此傳有方盞曰斨四字

斧斨民之用也禮義國

家之用也四國管蔡商奄也皇匡也此謂將大也鑿段借屬曰錡吡化也此謂木屬曰錡說文曰棟適固也休美也

伐柯二章章四句

伐柯美周公也周大夫刺朝廷之不知也

伐柯如何匪斧不克取妻如何匪媒不得 伐柯伐柯

其則不遠我覲之子籩豆有踐

柯斧柄也禮義者亦治國之柄媒所以用禮也治國不能用禮則不安其則不遠以其所願乎上交乎下以其所願乎下事乎上不遠求也踐行列貌

札記覲 列已改

九罭四章一章四句三章章三句

九罭美周公也周大夫刺朝廷之不知也

宋本附音義云罭本又作

械

九罭之魚鱒魴我覲之子袞衣繡裳 鴻飛遵渚公歸

無所於女信處 鴻飛遵陸公歸不復於女信宿 是

以有袞衣兮無以我公歸兮無使我心悲兮

九罭之魚鱒魴興也九罭纓罟小魚之網也

釋文罭本又作

或今本或作罭非也或古域字九域言域之多域謂網目也傳云纓罟即數罟魚麗傳集注作纓罟定本作數罟是也故鱒魴大魚也袞衣繡裳所以見周公

也袞衣卷龍衣也

衣字補

鴻飛遵渚鴻不宐循渚也

說文

曰鴻者鴻鵠也鴻鵠即黃鵠也黃鵠一舉知山川之
 紆曲再舉知天地之圓方取為大鳥故箋云大鳥傳
 云鴻不立循渚陸非鴻所宜止非謂大雁也小雅傳
 云大曰鴻小曰鴈此因下言鴈決上言大鴈乃鴻字
 段借之用而今公歸無所於女信處周公未得禮也
 人遂失鴻本義再宿曰信鴻飛遵陸陸非鴻所宜止宿猶處也無以
 我公歸兮無與公歸之道也

狼跋二章章四句

狼跋美周公也周公攝政遠則四國流言近則王不知
 周大夫美其不失其聖也

狼跋其胡載蹇其尾公孫碩膚赤舄几几 狼蹇其尾
 載跋其胡公孫碩膚德音不瑕

狼跋其胡載蹇其尾與也跋蹇蹇踳也老狼有胡進
 則躓其胡退則踳其尾進退有難然而不失其猛公
 孫成王也幽公之孫也碩大膚美也赤舄人君之盛
 屨也几几絢貌瑕過也

從原稿抄出本校 第二冊

江錄本分二冊以上十五卷裝為上

冊癸未秋借歸手校一過三十日晨

校畢

毛詩古本卷十六
坐壇段玉裁學

鹿鳴之什故訓傳第十六 毛詩小雅

鹿鳴之什十篇五十五章三百一十五句

鹿鳴三章章八句

鹿鳴燕羣臣嘉賓也既飲食之又實幣帛筐篚以將其厚意然後忠臣嘉賓得盡其心矣

呦呦鹿鳴食野之苹我有嘉賓鼓瑟吹笙吹笙鼓簧承筐是將人之好我示我周行 呦呦鹿鳴食野之蒿我有嘉賓德音孔昭視民不佻 說文作佻 君子是則是倣我有旨酒嘉賓式燕以敖

呦呦鹿鳴食野之芩我有嘉賓鼓瑟鼓琴鼓瑟鼓琴和樂且湛我有旨酒以燕樂嘉賓

之心

呦呦鹿鳴食野之苹興也苹萍也鹿得萍呦呦然鳴

而相呼懇誠發乎中以興嘉樂賓客當有懇誠相招

呼以成禮也吹笙鼓簧簧笙簧也此簧字今補吹笙則鼓

簧矣君子陽陽疏引吹笙則鼓簧矣宋書樂志引吹笙則簧鼓矣今依疏本筐篚屬所

以行幣帛也周至行道也蒿藜也桃愉也是則是做

言可法做也敖遊也芩草也湛樂之久以燕樂嘉賓

之心燕安也夫不能致其樂則不能得其志不能得

其志則嘉賓不能竭其力

四牡五章章五句

四牡勞使臣之來也有功而見知則說矣

四牡駢駢周道倭遲豈不懷歸王事靡盬我心傷悲

四牡駢駢嘽嘽駘馬豈不懷歸王事靡盬不遑啓處

翩翩者騅載飛載下集于苞栩王事靡盬不遑將父

翩翩者騅載飛載止集于苞杞王事靡盬不遑將母

駕彼四駱載驟駘駘豈不懷歸是用作歌將母來諗

四牡駢駢周道倭遲駢駢行不止之貌周道岐周之

道也倭遲歷遠之貌文王率諸侯撫叛國而朝聘乎

紂故周公作樂以歌文王之道為後世法盬不堅固

也思歸者私恩也靡盬者公義也傷悲者情思也無

私恩非孝子也無公義非忠臣也君子不以私害公
不以家事辭王事

無私恩以下二十八字從集注及定本係之傳嘽嘽喘息

之貌馬勞則喘息白馬黑鬣曰駉不遑啓處遑暇啓
跪處居也臣受命舍幣于禰乃行離夫不也將養也

杞枸櫬也駉駉驟貌將母來諗諗念也

念下當有言字父兼

尊親之道母至親而尊不至

皇皇者華五章章四句

皇皇者華君遣使臣也送之以禮樂言遠而有光華也

皇皇者華于彼原隰駉駉征夫每懷靡及 我馬維驕

六轡如濡載馳載驅周爰咨諏 我馬維騏六轡如絲

載馳載驅周爰咨謀 我馬維駘六轡沃若載馳載驅

周爰咨度 我馬維駟六轡既均載馳載驅周爰咨詢

皇皇者華于彼原隰皇皇猶煌煌也高平曰原下溼

曰隰忠臣奉使能光君命無遠無近如華不以高下

易其色駉駉衆多之貌征夫行人也每懷靡及每雖

懷和也忠信爲周訪問於善爲咨咨事爲諏如絲言

調忍也咨事之難易爲謀咨禮義所宜爲度陰白雜

毛曰駟均調也親戚之謀爲詢兼此五者雖有中和

當自謂無所及成於六德也

雖有中和卽上文每雖懷和也鄭箋非毛意

常棣八章章四句

原福無四字
江蘇本有

原福多含下云注別
云此謂段借
江蘇本有

常棣燕兄弟也閔管蔡之失道故作常棣焉

常棣之華鄂不韡韡凡今之人莫如兄弟 死喪之威

兄弟孔懷原隰哀矣兄弟求矣 脊令在原兄弟急難

每有良朋兄也永歎 兄弟鬩于牆外御其務每有良

朋烝也無戎 喪亂既平既安且寧雖有兄弟不如友

生 儻爾邊豆飲酒之飫兄弟既具和樂且孺 妻子

好合如鼓瑟琴兄弟既翕和樂且湛 宜爾家室 凡宋本岳

本皆作樂爾妻帑是究是圖亶其然乎

常棣之華鄂不韡韡興也常棣棣也鄂猶鄂鄂然言

外發也韡韡光明也今聞常棣之言為今也威畏懷

思也哀聚也求矣言求兄弟也脊令雖渠也飛則鳴

行則搖不能自舍耳急難言兄弟之相救於急難兄

茲 出車况瘁箋云茲益惟悴戴東原曰茲今通用滋說文茲艸木多益也滋益也詩之辭意言不能如

兄弟相救空滋之長歎而已韋注國語云况益也玉裁謂此與桑柔召旻傳今文尚書毋兄曰則兄自正

同作兄是永長也鬩很也御禦務侮也兄弟雖內鬩

而外禦侮也 此傳十五字本國語今本衍箋云非也作正義時未誤定本改御禦二字為禦

禁二字不知御禦見於谷風傳矣正義疑爾雅有禦禁而無御禦不知爾雅禦御禁三字互訓烝填

戎相也雖有兄弟不如友生兄弟尚恩熙熙然朋友

以義切切節節然 十六字從 儻陳飫私也不脫屢升

堂謂之飫 當作燕私也脫屢升堂謂之飫燕私見楚茨湛露脫屢升堂惟燕私為然飫韓詩作

江錄卷六

厚稿御未作御 江錄卷六

江銘存左思上有故字
無以古云之至末

醜其說曰脫屣升席曰宴能者飲不能者已曰醜宴
醜是一事毛公渾言之毛謂飲乃醜之段借也左思
賦曰惛惛醜讌以古韵訂之从西區聲
乃與豆具孺叶韓用正字毛用段借
九族會曰和
孺屬也王與親戚燕則尚毛翕合也帑子也窵深圖
謀直信也

伐木六章章六句

伐木燕朋友故舊也自天子至於庶人未有不須友以
成者親親以睦友賢不棄不遺故舊則民德歸厚矣
伐木丁丁鳥鳴嚶嚶出自幽谷遷于喬木嚶其鳴矣求
其友聲 相彼鳥矣猶求友聲矧伊人矣不求友生神
之聽之終和且平 伐木許許醜酒有藇既有肥羜以

速諸父寧適不來微我弗顧 於粲酒埽陳饋八簋既
有肥牡以速諸舅寧適不來微我有咎 伐木于阪醜
酒有衍籩豆有踐兄弟無遠民之失德乾餱以愆 有
酒湑我無酒酤我坎坎鼓我樽樽舞我迨我暇矣飲此
湑矣

伐木丁丁鳥鳴嚶嚶出自幽谷遷于喬木嚶其鳴矣
求其友聲興也丁丁伐木聲也嚶嚶驚懼也幽深喬
高也君子雖遷於高位不可以忘其朋友矧況也
本

作兄即前篇及召旻之兄茲柔桑之兄
滋謂加益也說文云殊兄詞也本此 許許柿貌以
筐曰醜以藇曰湑 正義云藇艸也按說文醜醜酒也
湑昔酒也昔者禮祭束茅加於裸

圭而灌鬯酒是為昔然與與我黍莫美貌與與同義豈未成羊也天子謂同姓諸侯諸侯謂同姓大夫皆曰父異姓則稱舅國君友其賢臣大夫士友其宗族之仁者微無也粲鮮明貌圓曰簋天子八簋咎過也衍美貌餼食也滑昔之也酤一宿酒也樽樽舞貌

天保六章章六句

天保下報上也君能下下以成其政臣能歸美以報其上焉

天保定爾亦孔之固俾爾單厚何福不除俾爾多益以莫不庶 天保定爾俾爾戩穀罄無不宐受天百祿降

爾遐福維日不足 天保定爾以莫不興如山如阜如岡如陵如川之方至以莫不增 吉蠲為饎是用孝享 禴祠烝嘗于公先王君曰卜爾萬壽無疆 神之弔矣 詒爾多福民之質矣日用飲食羣黎百姓徧為爾德 如月之恆如日之升如南山之壽不騫不崩如松柏之茂無不爾或承

固堅也俾使單信也或曰單厚也毛兩釋皆謂單為亶之段借除

開也庶衆也戩福穀祿罄盡也如山如阜如岡如陵

言廣厚也高平曰陸大陸曰阜大阜曰陵吉善蠲絜

也饎酒食也享獻也春日祠夏日禴秋曰嘗冬曰烝

公事也君曰卜爾萬壽無疆君先君也尸所以象神
 著此句者謂其辭出于尸也 卜予也弔至也詒遺也質成也百姓
 百官族姓也如月之恆如日之升恆茲此謂恆即升
 出也言俱進也騫虧也

采薇六章章八句

采薇遣戍役也文王之時西有昆夷之患北有獫狁之
 難以天子之命命將率遣戍役以守衛中國故歌采薇
 以遣之出車以勞還杖杜以勤歸也

采薇采薇薇亦作止曰歸曰歸歲亦莫止靡室靡家獫
 允之故不遑啓居獫狁之故 采薇采薇薇亦柔止曰

歸曰歸心亦憂止憂心烈烈載飢載渴我戍未定靡使
 歸聘 采薇薇亦剛止曰歸曰歸歲亦陽止王事
 靡盬不遑啓處憂心孔疚我行不來 彼爾維何維常
 之華彼路斯何君子之車戎車旣駕四牡業業豈敢定
 居一月三捷 駕彼四牡四牡騤騤君子所依小人所
 腓四牡翼翼象弭魚服豈不日戒獫狁孔棘 昔我往
 矣楊柳依依今我來思雨雪霏霏行道遲遲載渴載飢
 我心傷悲莫知我哀

薇菜作生也獫狁北狄也柔始生也聘問也剛少而
 剛也陽歷陽月也疾病來至也爾華盛貌常常棣也

札記有注 刻已補

江歸李長安下六字

業業然壯也捷勝也駢駢疆也腓碎也翼翼閑也象
弭弭弓反末也可以解轡紒者轡字依說文補紒魚說文作紛似紛長
服魚魚皮也楊柳蒲柳也霏霏甚也遲遲長遠也我
心傷悲莫知我哀君子能盡人之情故人忘其死

出車六章章八句

出車勞還率也

我出我車于彼牧矣自天子所謂我來矣召彼僕夫謂
之載矣王事多難維其棘矣 我出我車于彼郊矣設
此旄矣建彼旄矣彼旃旐斯胡不旆旆憂心悄悄僕夫
况瘁 王命南仲往城于方出車彭彭旂旐英英天子

命我城彼朔方赫赫南仲獫允于襄 昔我往矣黍稷
方華今我來思雨雪載塗王事多難不遑啓居豈不懷
歸畏此簡書 嘒嘒草蟲趨趨阜螽未見君子憂心忡
忡既見君子我心則降赫赫南仲薄伐西戎 春日遲
遲卉木萋萋倉庚喈喈采芣祁祁執訊獲醜薄言還歸
赫赫南仲獫允于夷

我出我車于彼牧矣出車就馬于牧地也僕夫御夫

也龜蛇曰旐旐干旐鳥隼曰旗旆旆旒垂貌疊字則為旒垂

兒單言旆則爾王殷王也南仲文王之屬方朔方近

雅云繼旆曰旆獫允之國也彭彭四馬貌交龍為旂英英鮮明也朔

札記補遺
下古字已
列入

方北方也赫赫盛貌襄除也塗凍釋也凍塗見夏小正簡書戒命也鄰國有急以簡書相告則奔命救之卉草也訊辭也夷平也

杕杜四章章七句

杕杜勞還役也

有杕之杜有皖其實

宋毛詩載音義云皖字從白或從日邊非

王事靡盬繼

嗣我日日月陽止女心傷止征夫遑止

有杕之杜其

葉萋萋王事靡盬我心傷悲卉木萋止女心悲止征夫

歸止

陟彼北山言采其杞王事靡盬憂我父母檀車

幘幘四牡瘡瘡征夫不遠

匪載匪來憂心孔疚期逝

不至而多為恤卜筮偕止會言近止征夫邇止

有杕之杜有皖其實興也皖實貌杕杜猶得其時蕃

滋役夫勞苦不得盡其天性卉木萋止女心悲止征

夫歸止室家踰時則思也檀車役車也幘幘敝貌瘡

瘡罷貌期逝不至而多為恤逝往恤憂也遠行不必

如期室家之情以期望之卜筮偕止會言近止卜之

筮之會人占之也邇近也

魚麗六章三章章四句三章章二句

魚麗美萬物盛多能備禮也文武以天保以上治內采

薇以下治外始於憂勤終於逸樂故美萬物盛多可以

告於神明矣

魚麗于罍鱮鯨君子有酒旨且多 魚麗于罍魴鱧君

子有酒多且旨 魚麗于罍鰓鯉君子有酒旨且有

物其多矣維其嘉矣 物其旨矣維其偕矣 物其有

矣維其時矣

魚麗于罍鱮鯨麗歷也罍曲梁也寡婦之笱也鱮揚也鯨鮓也大平而後微物眾多取之有時用之有道則物莫不多矣古者不風不暴不行火草木不折不芟斤斧不入山林豺祭獸然後殺獺祭魚然後漁鷹隼擊然後罝羅設是以天子不合圍諸侯不掩羣大

夫不麇不卵士不偃塞

偃堰古今字古庶人不總罟

罟必四寸然後入澤梁故山不童澤不竭鳥獸魚鼈

皆得其所然

古然焉通用

鱧鮠也鰓鮎也

南陔孝子相戒以養也白華孝子之絜白也華黍時和

歲豐宐黍稷也有其義而亾其辭

按此七字毛公所著鄭云孔子時六亾詩

俱在戰國及秦之世而亾其義則與眾篇之義合編故在然則兩云有其義而亾其辭毛公所著無疑也鄭又云毛公闕其亾者以見在為數故推改什首遂通耳而下非孔子之舊然則孔子時當作鹿鳴之什白華之什彤弓之什祈父之什小旻之什北山之什桑扈之什都人士之什凡小雅之篇八什

厚福脫形弓之什
江錄本八什作八人

江錄本無鹿鳴也
字有彤弓之什
札記注與利同蓋刻照

三言集卷十六

